













DE

TORMENTIS.



LUCÆ

CUM SUPERIORUM APPROBATIONS

CID. ID. CC. LXVI.



.

* *



TORMENTIS.



Ententiam Stoicorum spernens, quæ ab humanitate, & sa-

pientia plurimum abhorret, pœnas in reos constitutas eo-

• Ium

rumdem præcellenti industriæ, vel doctrina, avorum meritis, magnorum hominum. obsecrationibus, clementiæ denique, quæ amplissima est, & propria Regum virtus, quandoque condonandas efse, nisi publica utilitas severitatis exemplum requirat, una cum pluribus sentio. Affirmare autem non dubito, natura asperos, atque iniquos videri eos, qui sententiam in-

TORMENTIS.

innixam confessioni in cruciatibus expressæ executioni mandari jubent . Pœnæ equidem, quæ ordinariæ appellantur, non aliunde, quam ex visceribus sirmissimarum probationum debent prodire; cruciatorum autem confessiones fragilibus, infirmisque probationibus funt adnumeranda. Magna luce est hæc propositio circumfusa, nec obscurari diu potest distinctione, qua tor-

tormentorum Patroni conantur ostendere, confessionem in cruciatibus editam parvi esse ducendam; confirmatam vero post cruciatus vim gravis probationis acquirere. Ad vitiofæ enim hujusce distinctionis caliginem discutiendam, confessionis etiam repetitionem, quæ post cruciatus elicita dicitur, in cruciatibus elici paucis demonstrabo: ideoque innoxii viri tormentis devoti vestigia pri-

primum persequar. Educitur mifer ex angusto & obscuro carcere, in quo compedibus, catenisque constrictus, fordium, & squaloris plenus, fame, frigore, vigiliis, funestifque curis conficiebatur, atque fatellitibus stipatus ad cruciatuum locum accedit. Ibi infontem se esse ad interrogata respondens tormento admovetur. Angitur propior pœnis, & pavore concutitur; fed quo-

niam

niam mœrenti fletu nulla fe culpa teneri iterum clamat, & Dei, atque hominum fidem implorat, cruciatibus subiicitur. Sanguis statim austero, atque inordinato motu cietur, venæ omnes, nervi, lacertique flectuntur, quatiuntur ossa, & omnes partes, quæ junctione aliqua tenentur, tanta vi dirimuntur, ut animus tam infolita fui domicilii perturbatione horrescat. Quare ingemi**fcit**

fcit reus, & intolerabiles, quibus conficitur, dolores mitigari obtestatur. Sed judex durior, ac asperior evadens eum angustis interrogatiunculis pungit. Rursus miser affirmat se nemini injuriam fecisfe, & fine noxa torqueri conqueritur. Disputatio deinde, ut est funesta in tormentis confuetudo, inter judicem & reum sæpe renascitur; at reus tandem magnitudine dolorum vim

vim ejulandi amittens, ac etiam, atque etiam interrogationibus pressus, cum jam tortor, atque tormenta ipfa videantur defeisa, fatetur patrasse facinus, cujus auctor forte eodem tempore epulatur, aut placide quiescit. Coacte igitur primo abdicandi se jure vivendi pignore dato, e tormentis dimittitur, ac fudore exundans, & semimortuus a fatellitibus, qui eum labentem

tem sustinent, custodiæ iterum traditur. In duro statim, fordidoque lectulo se zgre prosternens frequentia ab imo pectore suspiria ducit, quæ tristium sunt signa curarum, atque acerbitatis dolorum, a quibus continuo laniatur. Sed antequam spatium ad se colligendum habeat, horrifero januæ carceris stridore monetur, novas sibi parari calamitates. Adveniunt fatellites,

at-

atque ab his pedetentim, quolibet enim motu dolores acerrime refricare cogitur, ad judicem adducitur. Odiosis rurfus vexatur interrogationibus, hesternam sibi obiici confesfionem audit, & certo scit, nova sibi cruciamenta impendere, si eam contrariis responsis evertat. Omnes interim artus ei videntur ardere, vivax enim adhuc est sensus hesterni doloris; metuit tormenta, etiam-

iamsi non adsint, & impendentis doloris cogitatione valde torquetur. Mors vero, quz, vitæ cursu conspecto, nunquam longe potest abesse, eum se ab omnibus miseriis liberare pollicetur doloribus adeo brevibus, ut evanescant peneante quam venerint. Hæc omnia miser perturbato revolvit animo, & vix in gravissimo malo fui compos lugubri tandem lamentatione confessio-

nem

mendacem comitatur, qua sibi mortem, suzque familiæ egestatem, dedecusque parat. Quid est quæso confeffionem in cruciatibus edere, & confirmare, si hoc noneft? Sed ut gravissimis undique premantur difficultatibus tormentorum defensores, orationem ad exempla traducens, eas a metu dolorum. qui brevitate temporis, & vivacitate comparandi non funt cum

cum his, qui a reis in tormentis perferuntur, tenebras obfundi quamplurium animis demonstrabo, ut ad illos vitandos mortem occumbant. Terebrationibus, & ustionibus nonnumquam, amputationibus aliquando, & incisionibus quorundam morborum radicem fe extracturam Chirurgia pollicetur. Sæpe tamen contingit, ut ægroti, etsi liberaliter educati virtutis fomentis dolorem

aliquantum lenire possint, contemnentes Medicorum confilia, atque amicorum preces, mori potius velint corruptione edita ab inflammationis vi, qua tandem infirma pars vehementer conflictatur, quam doloribus angi, ut saluti suæ confulant. Occurrunt passim, si Medicos sciscitemur, atque historias percurramus, Attici imitatores. Præstabat is tanta docilitate ingenii, ut Lucullum

lum, cujus difficillimam naturam nemo ferre poterat, ad extremam senectutem summa benevolentia fuerit prosequutus. Philosophiæ autem præceptis optime erat imbutus, ideoque perpetua constantia, & patientia in difficillimis Romanæ Reipublicæ temporibus optimatum omnium benevolentiam fibi conciliaverat. Postquam vero ex putris fistulæ curatione graves sibi dolo-

re re

res imminere fensit, Philosophiam oblitus, atque amicorum preces invincibili obstinatione spernens, quolibet se cibo abstinuit, ut e vita migraret.

Plurima his, quæ dixi, adiici possent ad docendum vehementis doloris metum, etsi
brevis; ita gravem & tetrum.
multis hominibus esse, ut vitæ
levari vinculis, quam cruciari malint. Sed quæ perspicua
sunt, longa esse non debent.

Quam-

Quamobrem excutiendum mo. do est, an contemplatione futurarum calamitatum, quæ motum valde asperum in corpore non efficient, & expectatione boni, curifque ad voluptatem traductis, leniuntur, ideoque sine patientiæ ostentatione tolerari possunt, homines aliquando animum ita contrahant, ut vitam velint cum morte commutare. Maxime quidem in hoc vis est

e: per-

perspicua naturæ, qua abhorremus a malo, cum non necessariis etiam commodis aliqui ne careant, plurimis damnis post quæstuosam mercaturam contractis, aut patrimonio effuso, sibi mortem consciscant. Non ne videmus aliquando paucas legiones militum in arcibus obsidione clausis, si aliquot dies parvam cibi partem fibi fubducendam esse intelligant, concla-

clamare ad arma, atque enixe rogare imperatorem, ut cum validiffimo exercitu committat pugnam, ex qua se evasuras non esse perspiciunt? Non ne videmus reos interdum in carceribus industriosis, difficilibusque modis sibi mortem inferre? Sæpius profecto homines in vincula conjecti hujusmodi spectacula præberent, nisi ligaminibus quibuslibet, cultris, fibulis, aliifque rebus fpolia_

liati quotidie a carcerum custodibus diligentissime inviserentur judicum mandato, quo intolerabilis eorumdem contradiaio probatur: timent enim ne rei frequenter mortem malint obire, quam diu loci gravitatem, aut verbera, aliasque ignominiofas pœnas, quamvis breves fustinere; & crudeli simulatione affirmant, miferum, cui nihil videtur esse mali, quod non & futtinuerit, fuffe-

rat,

rat, & expectet, difficillime mendaciis mortem arcessurum. Expromeret tamen quid sentiret quilibet judex, qui infeliciter turpem personam calumniæ ferens, prætorio cumcarcere, abundantia cum egestate, atque inquirendi, & interrogandi munere cum difficili respondendi officio commutatis ad equuleum ire cogeretur. Revolveretur tunc ad Sileni monitum, qui Midam. dodocuisse dicitur, non nasci hominem, longe optimum esse; proximum autem quamprimum mori. Miseram hanc sententiam, sed veram, si vitæ tantum commoda, & calamitates perpendantur, in Sileni fabula ad utilitatem conscripta oblivisci homines in rebus fecundis conantur; ipsius autem vi sapientiores etiam premuntur, si malum, aut metus, qui est crucians opinio impendentis

ma-

mali, eorum mentem percellat.

Sed violentiæ, quam hominum animis termenterum metus adfert, testes modo ex sacrorum Annalium monumentis excitentur. Jam vero prodeunt pii, & summi nominis viri, ut moestissimum testimonium reddant: nil aliud exoptasse ajunt, nisi ut Deum recte colerent, ac puritatem religionis servarent:

multas hausisse calamitates, & imperturbata forsitan fronte mortem obituros fuisse, ne suas de pietate, & fanctitate adversus Deum opiniones contrariis verbis, aut superstitiosis actionibus inquinarent; Tormentorum tamen minis fuum animum fuisse veluti gradu motum, atque eorumdem adspectu, ac metu adeo concitatum, ut se cohibere non posset. Ideo, inquiunt aliqui, mi₄

miracula, & portenta fomniantium, anicularum etiam fide indigna, a nobis vera credi affirmavimus: simulacris, subiiciunt nonnulli, vel aliis mutis, & inanimis rebus, quibus Tyranni nostros pulsari volebant animos, genua submisimus: alii vero Diis hominum similibus, atque ea facie notis, qua Pictores, Fictoresque voluere, se honores & cultus adhibuisse dicunt.

Si Si

Si igitur pii & sapientes viri tormentorum formidine a religione visi sunt declinare, etsi eam plus vita ducerent, & vehementissime inviderent gloriæ illorum, qui pectinibus ferreis, equuleo, fidiculis, aliisque modis atrocissime cruciati novos humanæ fortitudini terminos constituerant, cujus quaso ponderis erit confessio reorum tormentis expressa, & tormentorum metu con-

confirmata? Sed jam quærendum est quibus initiis tormenta fuerint excitata. Constat profecto ignotum olim fuisse Regium nomen & homines, qui omnia veluti comunia respiciebant, naturalem statum deferentes Principibus parere, & quasi se consecrare statuisse : Principes vero fuisse pollicitos, auctoritate, quam populi ipsis conferebant, æterna lege duce, civitatum incolumitati

consulere, atque ad publicam utilitatem omnia accommodare. Levis Hornii opinio stabili huic fententiæ, & una cum hominum ætatibus inveteratæ contraria generali cenfura extabuit, & prospere quidem : insigni enim temeritate, quæ est in omnibus turpis, fed maxime in his, quibus Reipublicæ jura turbantur, dum Principibus affentari videbatur, eorum aucto-

TORMENTIS.

ctoritati fundamenta fubducebat; nimiasque edidisset ruinas, si plurimos in suum errorem induxisset. Quiete enim debent vivere cives, quousque credant ea, quæ geruntur, sua geri vi, hisque rebus imbutæ mentes numquam abhorrebunt ab obedientia, ac fincera in Principes fide, & obsequio. Esset autem periculum, ne non Reipublicæ status labefactaretur, si populi cre-

crederent Imperium violenter antiquitus fuisse a Principibus occupatum, fuamque obedientiam effectum effe tantummodo animi justo arbitrio carentis. Alte his, &, ut oportet, a capite repetitis, ad vim, naturamque pactionum, quibus ad civilem comunitatem homines consociati fuere, quibusque in Reipublicæ administratione omnia sunt metienda, tormentorum institutum.

re-

referri non posse, planum faciam. Jus etiam vitæ & necis iisdem adversari pactionibus, ac nefas effe homini hanc in se potestatem alicui tradere, nonnulli putarunt: Verum si de jure, uti vocant, indirecto sit quæstio, consentaneum prorsus est officio Principis vitam Civium in extremum periculum adducere, ut hostium injurias propulsent, & civile corpus, cujus funt

membra, defendant. Si autem de directo jure sit sermo, sentio quidem salutare ipsum esfe, & necessarium, dummodo nobis, ne pernicioso labamur errore, ratione profecta a rerum natura sit persuafum, improbos, qui laqueo, vel ferro a Republica depelluntur, his se sceleribus inquinasse, ut ad vitam Civium tuendam, ac Reipublicæ quietem confirmandam capite ple-

Ai meruerint . Hi autem , qui hoc præclarum jus antiquis temporibus conferre Principibus optimum duxere, legibus parere cogitantes, in eo non potestatem injuriæ sibi faciendæ, sed auxilii ferendi respiciebant. Hunc a re non longa digreffione locum tetigi, ut nihil me facris Imperii juribus detrahere, & argumentis, quæ sententiam iisdem infestam non fulciunt,

me-

meam de tormentis confirmari demonstrem. Talis porro fæpe est rerum humanarum. conditio, ut illarum cognoscamus eventus, causasque nesciamus, atque multa, dum eas quærimus, casus affingat, aut detrahat. Accidit enim ut quædam signa dubia sint, & alia lateant, quibus illa explicarentur. Potest etiam evenire, ut sensus male suo officio fungantur ita ut aliqui

vidisse Cajum, cum Titium. viderint, vel cum Cæfaris audiverint, Pompeii vocem fe audivisse dubitent. Nonnullis quoque falsis adjungi posfunt aliqua vera, ea similitudine, ut dubium sit an alia. ex aliis fluant, & omnia fint inter se colligata. Multa præterea male sæpe interpretata funt, non rerum vitio, sed interpretum inscientia; multa vero obscurata contradictionibus, quibus rei, innumeris defessi, ac perturbati interrogationibus, se implicant. Ex his tamen obscuris latebris, atque recessibus Judices semiplenam, cui torquendi reos decretum superstruunt, probationem eruere dictitant. Temere profecto fucosa hæc verba fuerunt a consuetudine approbata: conjecturæ enim. non adhibent perfuadendi necessitatem, sed aliquando ad

veritatem dirigunt, fallunt nonnumquam; ideoque nulla ex ipsis probatio eruitur, sed quæstio tantum exoritur, an reus adstringatur crimine, cujus accufatur. Quare Augustinus in cap. 6. lib. 19. de Civitate Dei sapienter scripsit : cum quaritur utrum sit nocens, cruciatur, & innocens luit pro incerto scelere certifimas panas, non quia illud commisise detegitur, sed quia non commissse nescitur,

ac per hoc ignorantia Judicis plerumque est calamitas innocentis. His recte perpensis ad naturam pactionum, ex quibus omnis auctoritas, leges, & mores Civitatum perscribendi est penitus haurienda, tormentorum institutum corruptelam esse malæ confuetudinis reperiamus oportet, nisi omni veritatis luce in animis nostris extincta, affirmemus, majores nottros, cum omnibus opibus,

at-

atque viribus elaborarunt, ut ad comunem hominum utilitatem Respublicas constituerent, suo proposito confentaneum credidisse, in rerum occultarum investigatione, quarum veritas intelligentiæ Judicis vim effugeret, suas, posterorumque famam, vitam, atque fortunas tormentis committi; & virtutem, quæ fæpe tantas vires non habet, ut fe ipsa defendat, & famula for-

tunæ

tunæ est, novis calamitatibus addici. Perperam igitur labem pravæ consuetudinis, quæ semper Imperii splendorem, & populorum jura inquinans nonpotest diuturnitate vanescere, commentitiis verbis eluere, ac justa consuctudinis involu ris tegere, quamplures scriptores cogitarunt. Veruntamen pene omnes prodierunt ex grege corum, qui jurisdictionem. miferos fubiliciendi cruciaribus,

bus, atque uno tantum gradu a tortore distandi plurimi faciunt, acriterque tuentur. At obviam huic minutorum scriptorum turbæ clarissimi, & dochissimi viri nati ad dispellendas ignorantiæ tenebras, quæ ad humanæ societatis perniciem omnia miscet, & turbat, infestis signis progressi fuere. Confentientes fane funt auctoritates Clerici, Montagne, Charonii, Grotii, Thomasii,

Bar-

Barbeyracii, aliorumque doctiffimorum hominum; atque eorumdem fententiam nuperrime defendit fublimis ingenii auctor in libro, cui titulus De' Delitti, e delle Pene.

Sed quoniam aliqui Principes confiliis, sæpe eventu tristibus utuntur eorum, qui juris Naturæ & Gentium scientiam extolli iniquo animo serunt, ad Romani juris cynofuram argumentum dirigamus.

Quastioni fidem non semper (in. Lib xiviii. Tit. xviii. de quæstionibus Leg. 1. 9 23. Digest. Cæfarei Jurisconsulti scripserunt) nec tamen numquam habendam, Constitutionibus declaratur : etenim res est fragilis & periculosa, & qua veritatem fallat. Nam plerique patientia, sive duritie tormentorum ita tormenta contemnunt, ut exprimi eis veritas nullo modo possit; alii tanta funt impatientia, ut in quovis men-

mentiri, quam pati tormenta velint : ita fit, ut etiam vario modo fateantur, ut non tantum fe. verum etiam alios comminentur. Nil est equidem in his tortuofum, & obscurum, quod ad conjectores sit deferendum. Si igitur a plerisque ita tormenta contemnuntur (libenter verba legis iterum recito) ut exprimi eis veritas nullo modo possit ; alii tanta sunt impatientia. ut in quovis mentiri, quam pati

tormenta velint, uti nos rationibus hucusque contendentes demonstravimus, perfugium. crimini, dedecus, ac necem innocentiæ fæpe tormenta parabunt. Quis autem ignoret Satius effe, uti legimus Digett. Lib. xviii. Tit. xix. De Pecnis Leg. v. impunitum relinqui facinus nocentis, quam innocentem dammure. Gravibus antiquorum Philofophorum argumentis, quibus hæc sententia com-

13

qua

qua funt nobis agendi semper capienda primordia, populorum juribus, & Imperii Majestati repugnare videantur, sapienti tantum temperatione opus esse concludo. Neque latet hæc crassis circumfusa tenebris; ad cogitandum enim animum intendens, concedendum perspicio, posse torqueri reos verifimilibus pressos, si de criminibus agatur, quæ Principem, atque Rempublicam.

G gra-

graviter lædant, aut alicujus vitam in discrimen vocent, non ut vi confessionis in tormentis, vel metu tormentorum editæ, sed sirmissimarum solummodo probationum, ad quas fortuito lumen aliquod in confessione Judicibus porrectum adduceret, pœnas a legibus statutas luant una cum his, qui Socii culpæ in tormentis vocati, non dissimili ratione, eadem fœdati deprehenhendantur. Si quis vero doleat, temperationem hanc ab iniquitate non procul abefse, demisse reponam, eam. esse humanæ mentis infirmitatem, ut in fanciendis nonnullis legibus Reipublicæ necesfariis nequeat optimum attingere; ideoque cas præ cæteris esse probandas, quæ, diligentissime momentis officiorum omnium perpensis, quam longe possunt, ab odiosis injuftistitiæ sinibus absunt, & publicæ utilitatis præsidio se tegunt.

Neque temere me opinari arbitror, si abrogandam non esse legem affirmo, qua indaliquibus regionibus sancitum est, capitalium criminum reos etsi plenissime convictos, cum se inficiatione defendunt, morte non esse plectendos, nisi confessione tormentis expressa urgeri videantur. In quæstioni-

nibus enim facti morali plerumque certitudine progredimur, quæ est gravis, uti vulgo dicitur, præsumptio argumentis valde verosimilibus innixa. Ea tamen, quæ verisimillima funt, non semper sunt vera Fallimur namque aliquando fignis etiam fere numquam ementientibus, fallimur aliquando testibus, ideoque aliquos nonnumquam, qui nihil culpæ habent, culpa teneri credimus.

mus. Nemo verum his miferior fingi potest, si nequeant arduum omnino opus conari perferendi dolores acerrimos, ut injustam mortem repellant. Scio equidem obiici ab illis, qui publicam felicitatem suppliciis omnino videntur concredere; fieri hac ratione posse, ut aliquando facinorosi homines mortem effugiant. Esto; sed præruptam ne, deterrimamque viam, in quam

se pauci feliciter dant, Princeps obstruet ad certum, perpetuumque infortunatorum. exitium, quia eam feliciter ingredi nonnulli improbi poffunt? Raro profecto Princeps, qui non sit Principi dissimilis, mœrore premetur dubitans, aliquem in diro tormentorum certamine, sincera patrati criminis confessione non edita, superiorem evasisse; imo fæpe in hac cogitatione delectabitur: sed tetræ eum curæ, animique conscientiæ terrebunt, si, consuetudine reos non consessos quamvis plene convictos torquendi sublata, innocentes omnes, qui, sævo a fortuna vulnere accepto, convicti rei personam gerant, quolibet a se bene sperandi jure privatos suisse perspiciet.

Cum naturæ norma, ad dignitatem Imperii, & infortunatorum defensionem hæc di-

rc-

rexerim Principes obsecro, ut, cunctationibus abjectis, tormentorum temperent institutum, in quo posteri improbitatem, savitiamque demirabuntur, uti nos in antiquis ferri candentis, ac aquæ calidæ, & frigidæ purgationibus, quæ appellabantur vulgares, & ad veritatem detegendam adhiberi dicebantur, ridiculofam superstitionem demiramur. Atque ut humili mex, infirmx-

H que

que obsecrationi aliquid ponderis adiiciam, utar voce, qua miseri omnes sine noxa cruciati, si possent loqui, uterentur, quaque facris Galliæ præfulibus abrogationem impii fatuorum felti Parisiensium. Theologorum celebre Collegium suasit. Nolite (subiicio partem ejufdem Collegii Epistolæ, quæ extat in appendice Operum Petri Blesensis typis tradita anno 1667.) subdo-

las hominum voces audire sic dicentium: , Pradecessores nostri, , qui erant notabiles viri retu-, tati, istud permiserunt, suff-, ciat nobis vivere ut iffi:, proculdubio istud argumentum diabelicum est, & infernalis hac persuasio. Multa quidem luxuriosa inscientiæ germina remanent, quæ fatuorum festis proculdubio magis perniciosa sunt: Hæc autem a Principibus prudentem, fortemque Respubli-

cas administrandi rationem. non ignorantibus libenter evellerentur: sed ne populi vindicentur ab erroris impetu, persæpe impediunt hi, qui doctrina jejuni, timoris servi, & pecuniæ cupidi luteis confiliis purissimas fœdant sententias, splendidasque disputationes effugientes semper clamant Pradecesores nostri, qui erant notabiles viri reputati, istud permiserunt, sufficiat nobis vivere ut ipfi. Qua-

Quare mihi videor poste. verissime dicere, diuturnæ, atque ignominiosæ servitutis finem nos frustra exoptaturos, nisi præclara exiguæ proborum, doctorumque hominum cohorti auxilia, adjungantur, ut gloriose possit magnam Regiæ dignitatis, atque utilitatis publicæ inimicam turbam prosternere. Hoc autem sieri non poterit usquedum obsirmato Principum studio scientiæ non

ratione erudiantur, ut veris sententiis addicti inhonoratam, ingloriamque vitam spernant, atque sentiant, ea tantum bona esse, quæ sunt homine digna.

FINIS.

J 3.0.52

fino 25 053













